

驅車上東門 (qū chē shàng dōng mén)
遙望郭北墓 (yáo wàng guō běi mù)
白楊何蕭蕭 (bái yáng hé xiāo xiāo)
松柏夾廣路 (sōng bó jiā guǎng lù)
下有陳死人 (xià yǒu chén sǐ rén)
杳杳卽長暮 (yǎo yǎo jí cháng mù)
潛寐黃泉下 (qián mèi huáng quán xià)
千載永不寤 (qiān zǎi yǒng bú wù)
浩浩陰陽移 (hào hào yīn yáng yí)
年命如朝露 (nián mìng rú zhāo lù)
人生忽如寄 (rén shēng hū rú jì)
壽無金石固 (shòu wú jīn shí gù)
萬歲更相送 (wàn suì gēng xiāng sòng)
聖賢莫能度 (shèng xián mò néng dù)
服食求神仙 (fú shí qiú shén xiān)
多爲藥所誤 (duō wéi yào suǒ wù)
不如飲美酒 (bù rú yǐn měi jiǔ)
被服紈與素 (pī fú wán yǔ sù)